

Mateo 5

1. Ja yajni ch'ak yil spetsanil ja kristyano ti k'e b'ajun wits, ti kulani`a, ti wajye` ja sneb'uman ja b'a b'ay ja Ye`ni.
2. Ja Jesusi ti k'umani`a sok wa sje'ayile`, ti yala`a:
3. Jel lek juntiro ja ma` jel awula sb'aj b'a Espiritu, yuj ye`n sb'ajye` ja b'a satk'inal ja b'a wa sk'ulan mandar ja Dyosi.
4. Jel lek juntiro ja ma` wa x-ok'i, yuj ja ye`nle`i oj sta`e` ja slamani ja sk'ujole`i.
5. Jel lek juntiro ja ma` manso`e`i, yuj ja ye`nle`i oj ajukyile` ja lu`um b'a oj sb'ajuke`.
6. Jel lek juntiro ja ma` ayi`oje` wa`ani sok ja takin ti`il b'a stojoli, yuj ja ye`nle`i ojni b'ut'uke` leka.
7. Jel lek juntiro ja ma` manaka jel yaj ja sk'ujule`i, yuj ja ye`nle`i oj sta`e` ja syajal k'ujulali.
8. Jel lek juntiro ja ma` manaka sak ay ja yaltsile`i, yuj ye`nle`oj yil-e` ja Dyosi.
9. Jel lek juntiro ja ma` sk'ulan ja slamani, yuj ja ye`nle`i oj aluk yab'ye` yunin Dyos.
10. Jel lek juntiro ja ma` wa x-iji spatike`i yuj ja sk'ulane` ja stojili, yuj ye`n sb'ajye` ja satk'inal b'a wa sk'ulan mandar ja Dyosi.
11. Jel lek juntiro ja b'a we`nlex ta mik'a lek wala` iljiyexi sok wa x-iji ja patikex sok chikan jas wa x-alyi` ja wab'yex b'a mi lekuk yuj ja ja b'a ke`ni, wani sle`awe` ab'al.
12. Gusto axanik lek, yuj jas oj ajukawilexi jel niwan juntiro ja b'a satk'inali, yuj jach yi`aje` spatike` ja aluman Dyos jumasa` ma` ek'ye` b'ajtan yuj ja we`nlexi.